



Ulloq 03. juni 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

### **Naalakkersuisunut apeqqutit:**

#### **Sakkut pillugit Kalaallit Nunaanni inatsisiliorneq**

- 1. Naalakkersuisut sakkut pillugit inatsisiliornerup nunatsinnut nuunneqarnissaanut pilersaaruteqarpat?**
- 2. Sakkut pillugit inatsit massakut atuuttoq Kalaallit Nunatsinni pissutsinut naleqqussarneqarnissaa siunertaralugu naalagaaffimmut saaffiginissuteqarnissamik Naalakkersuisut pilersaaruteqarpat?**
- 3. Taamaassimappat, taava Naalakkersuisut, imm. 1 aamma 2-mi pineqartut eqqarsaatigalugit, suut inatsisini allanngortariaqarnersut aammalu piffissaliussat sumut killinnerinik paasissutissiisinnaappat?**
- 4. Taamaattoqarsimangippalli, sooq tamanna suliarineqarsimangila kiisalu Naalakkersuisut siunnissami qaninnerusumi suliamik uuminnga ingerlatsilernissaminnut pilersaaruteqarpat?**

(Inatsisartunut ilaasortaq Kuno Fencker, Siumut)

### **Tungavilersuut:**

Pingaaruteqarpoq qulakkiissallugu Kalaallit Nunatsinni sakkut pillugit inatsisiliornerup naleqqussagaallunilu ataqatigiissumik aaqqissuugaanissaa, taamaalilluni anngiortumik sakkunik pigisaqarnissaq niueruteqarsinnaanerlu pinaveersaartikkumallugit, taamatullu aamma kikkut tamat ornittagaasa isumannaatsuunissaat illersorumallugu. Sakkut pillugit inatsisip atuutsinneqarnissaanut periutsit, ullumikkut atuutsinneqartut, ersarissarneqarnerisigut, inatsimmut ilassuteqarsinnaanerup imaluunniit allannguuteqartitsisinnaanerup nalilersorsinnaanissaanut periarfissiisusssaavoq.

Apeqqutigineqartut ullut suliffiusut qulit iluanni akeqquneqarput.